

子淵詩集

子
集
詩
集

膳錄監生臣徐元秀

膳錄監生臣沈霽

欽定四庫全書

子淵詩集卷四

元 張仲深 撰

七言律詩

寒山寺

姑蘇九月荒城路一水迴環客艇多萬里西風吹落日
五更漁火亂滄波江村夜迥傳鐘鼓池館秋深老芰荷
欲問興亡吳越事道人為我發長歌

曹娥廟

用石上詩韻

淑女貞誠貫九霄身隨父櫬入寒潮一江大浪名長在
三尺孤墳骨未銷嚴祀有儀崇令典素麻宣誥屬熙朝
當年莽操皆臣子慚愧賢娥史並標

次烏繼善城南三首

中原克復近來聞鼓角連天起夕曛杜老有詩如國史
賈生無策奉明君櫻桃入夏千株雨年麥先秋萬頃雲
獨有村南垂白老曉呼婦子餉初耘
故朝城郭盡空基今日增修又一時於越誰人追范蠡

句吳有客似湘纍
杏林煮酒心先醉
草閣看山手自支
無限閒情動吟思
綠楊為我一顰眉

柳絲槐幄陰澄波
十里橫塘翠颯娑
荏苒風光春事晚
清和天氣雨聲多
園廬近遠連桑柘
隴坂高低襍黍禾
鞞帽入城塵土暗
故山回首隔烟蘿

鐵釜中蓮

暇日宴金華祥符方丈了堂悟公以鐵釜置蓮方著一花關西楊伯玉徵

予賦詩以呈湛菴信公時與者孟志學蕭君祐暨仲深也

翠擁柔葩濯素商
誰分玉井一莖芳
根通金氣秋逾盛

雨裏鉛華晚更香
埏埴有功潛土脉
凌波無步到陂塘
自知鼎鑪陶力不
受金莖沆瀣涼

楊廉夫月波樓

飲馬橋頭聽鳴珂
飲馬橋下雪始波
自從道人琴佩至
想得衡門車馬多
樓外青山橫獨鶴
枕邊柔櫓響雙鵝
我來疑是揚雄宅
夜燭羃光諷九歌

奉寄易之在京師

憶君日日共吟哦
三載懷人可奈何
聲價相隨詩價長

新交應似舊交多春連宮樹鶯花合人在瀛洲歲月過
十里有書如訊問布衣仍舊住城阿

懷嚴侯在廬州

九十春光強半陰蠻風日日振平林海天花柳愁無際
江郭旌旗駐轉深驛騎通宵催調發故人終歲絕聲音
吾生賴有園廬在吟盡黃昏思不禁

去歲風狂薄海涯今朝靈雨轉如麻自緣地僻多啼鳥
不管春深又落花千里荒城宵警柝一年征戍日思家

丘山想有棲遲者獨立衡門數暝鴉

九日與吳君同舟過越

延陵有客上蓬萊九日相逢暢好懷
賴有舟中尊酒在不知籬下菊花開
利名異業同奔走山水無情任往回
解得淵明千古意不謀升斗盍歸來

建德曹德明存中齋

梅花千樹雪紛紛想得衡門閉夕曛
地脉陽和今夜復天根造化一中分
空青暗結崑岡髓神永連光華嶽雲

養得丹成思蛻骨笑騎黃鶴馭氤氲

次勾曲外史西湖感懷韻

一鞭春入曉蕭蕭長記尋詩過段橋
花底鶯聲閒送客馬頭山影欲凌霄
情懷忽爾思前載風物多應似故朝
蹋盡春光生感慨當年王氣逐虹銷

送周養心檢討

江南六月蠶重熟此日揚舲興倍賒
滿面炎塵低客帽一川離思屬荷花
功名衮衮人千里世路悠悠日自斜

欽定四庫全書
卷四
擬駕輕車尋舊約曳裾多在五侯家

題危太樸檢討借船圖次葉敬常編修韻

獨懷十載竹書光今日追遊越水鄉
擢發錢湖情浩浩夢迴梵宇月涼涼
蕁絲入豉春流滑菰米盞雲晚飯香
內翰新詩費題品定應風物引杯長

酬單孟年韻

買得江魚貫柳條欲譚興廢訪漁樵
西齋有酒尋常醉東閣需賢次第招
春盡廣湖孤客老月明小皎山素娥

嬌桃源有路家應近不比天台隔石橋

酬鄭千里見柬韻

碧梧秋入未全飛尚有餘陰護客扉
半頃風漪天澹澹一竿晴旭曉暉暉
弱軀祇為吟詩瘦強項多應食肉肥
海角書生心自赤伏蒲無計到官闈

酬族兄潤父韻

長記西湖日日晴畫船齊載管絃聲
青青草色裙腰綠白白梅花粉額明
舞倦玉纖歌扇重醉揮銀筆帕羅輕

今年海上多岑寂相對籬根郭索行

鴈

翅老西風絕點瑕秋江難認宿蘆花雪邊字缺銀鈎斷
月下箏間玉柱斜影亂飛鷗回遠浦陣橫宿鷺落平沙
聲聲喚起蘇卿恨為帶吳霜染鬢華

慈湖感懷

十年不蹋慈湖路湖水湖山總舊遊老樹尚能知客意
白鷗元不識人愁漫需菽粟謀盤筯盡使鉏犁化戟矛

築得長城為屏蔽也應飛遁住滄州

慈湖三月風物好客子行吟遣日長
斷浦草根斜斗黑
隔籬欄下來禽香家童解事故携酒
野鳥辟人低度墻
今夜山中有風雨何妨下榻贊公房

贈方渠之

化城盡屬利名場門外三車日日忙
自畏簡書為府史
故知文字重經王天華曉雨蒼雲濕
貝葉翻風白晝香
江海紅塵一千丈靜邊心地自清涼

贈胡一泉

見說君家住翠瀛蓬萊只在眼中青門前弱水三千頃
屋後長松九百齡別墅溪橋宜客渡斷崖石瀨可人聽
一丘一壑平生願老我茅堂煮茯苓

贈呂季亨

華掖雲開接絳霄簿書參贊見英髦姓名曾隱磻溪釣
笥笈今傳左相刀昭代衣冠稱古昔太平禮樂屬賢勞
願將真孝旌天下解使遐蕃俗盡陶

贈姚明齋

繁霜滿天歲欲單
馬鳴蕭蕭百草乾
北風吹沙弓膠勁
落日照海旗影寒
將軍攝符及瓜代
轅門載戈如錦還
太平未可忘武備
不妨橫槊吟江關

贈張子恭

三載懷人歲月長
吾宗神秀鬱相望
墻東紫衣人乃江陰陸子
芳別名公其門人也
冀北羣空馬獨驤
已喜黃堂時

振佩暫留烏府一
褰裳後期如艤
江陰曲共捲青簾泛

雪香

江陰酒也

答天民韻三首

三春風雨似梅天
欲過蘇端履錯然
阿閣不聞儀彩鳳
郊關是處有飢鳶
秫荒乏釀茶為酒
魚熟難賒米當錢
見說卦爻增著述
研池滴露費摩編

春歸無路入遙天
悵別江雲思惘然
蕙帳夜閒悲獨鶴
柳塘水暖浴雙鳶
魚供鮭菜難謀酒
米比真珠不論錢
海上陰晴猶未卜
簷花時復落芸編